

Adroddiad i'r:	Pwyllgor Craffu Cymunedau
Dyddiad y Cyfarfod:	12 Ebrill 2012
Swyddog Arwain:	Pennaeth Priffyrdd a Seilwaith/ Pennaeth Cynllunio, Adfywio a Gwasanaethau Rheoleiddio
Awdur yr Adroddiad:	Prif Swyddog y Strategaeth Adfywio
Teitl:	Digwyddiad Beicio Etape Cymru: y Diweddaraf

1. Am beth mae'r adroddiad yn sôn?

Digwyddiad beicio Etape Cymru 2012 – adroddiad cynnydd am y camau a gymerwyd ers y Pwyllgor Craffu Cymunedau diwethaf.

2. Beth yw'r rheswm dros lunio'r adroddiad hwn?

Amlinellu'r cynnydd hyd yma o ran trefnu digwyddiad 2012 gan gynnwys canlyniadau'r broses gyfathrebu ac ymgynghori ac unrhyw gamau sydd wedi codi o'r broses honno.

Yn ei gyfarfod diwethaf, penderfynodd y Pwyllgor Craffu Cymunedau ei fod yn cefnogi cau'r ffordd er mwyn i Etape Cymru 2012 ddigwydd, a hynny'n amodol ar:

- a) ymgynghori'n llawn â'r cymunedau a'r busnesau lleol y bydd cau'r ffordd yn effeithio arnynt, gan gynnwys ymgynghori â'r Grŵp Aelod Ardal Lleol;
- b) monitro'r effaith a gaiff y digwyddiad ar gymunedau lleol cyn y ras, yn ystod y ras ac ar ôl y ras, gan gyflwyno adroddiad am yr agwedd hon i'r Pwyllgor Craffu Cymunedau yn yr Hydref 2012; a
- c) rhoi gwarant i'r Pwyllgor y bydd Bwlch yr Oernant yn cael ei ailagor i draffig erbyn 11am.

Gofynnodd y Pwyllgor am gael gwybod y diweddaraf am y cynnydd i fodloni'r amodau hyn yn y cyfarfod dilynol hwn.

3. Beth yw'r Argymhellion?

Bod y Pwyllgor yn ystyried y cynnydd diweddaraf ac yn darparu sylwadau.

4. Manylion yr adroddiad

Mae Cyngor Sir Ddinbych bellach yn cyfathrebu'n rheolaidd â Participate Sport, trefnyddion newydd Etape Cymru, a Chyngor Bwrdeistref Sirol Wreccsam, mewn perthynas ag ail ddigwyddiad 'ffordd ar gau' ar ddydd Sul 9 Medi 2012. Bydd y llwybr yn dechrau ym Mangor Is-coed a bydd tua 70 milltir ohono'n rhedeg drwy Sir Ddinbych, gan arddangos gwlad feicio ysblennydd y sir.

Mae'r Grŵp Cynghori ar Ddiogelwch (ar y cyd rhwng y Gwasanaethau Brys/Priffyrdd/yr Heddlu) yn fodlon cefnogi'r digwyddiad hwn ar yr amod yr eir i'r afael â materion a gododd yn 2011 mewn perthynas â rheoli traffig a threfnu pobl, fel yn ôl ei gyfarwyddyd. Mae cynllun rheoli digwyddiad yn cael ei lunio gan Participate Sport yn amlygu'r cynllun ar gyfer ymgynghori, cyfathrebu a rheoli traffig gyda chysylltiad rheolaidd â swyddogion Cyngor Sir Dinbych a Wreccsam a'r Grŵp Cynghori ar Ddiogelwch ehangach drwy gydol.

Mae'r trefnyddion wedi cwrdd â swyddogion Priffyrdd ac Adfywio a Rheolwr Prosiect y Ganolfan Ragoriaeth Beicio, i adolygu digwyddiad 2011 ac maent wedi ystyried argymhellion y Grŵp Cynghori ar Ddiogelwch. Mae'r cynllun cyfathrebu ar gyfer Etape Cymru 2012 ynghlwm (atodiad 1) ar gyfer sylwadau.

5. Sut mae'r penderfyniad yn cyfrannu at y Blaenoriaethau Corfforaethol?

Mae Sir Ddinbych yn gyrchfan o ansawdd i feicwyr, heb fod rhyw lawer wedi'i darganfod eto, ac mae ganddi gyfle gwych i elwa'n economaidd ar y twf a welwyd yn y sector twristiaeth gweithgareddau. Mae adfywio ymhlith blaenoriaethau corfforaethol y Cyngor.

Mae rhannau sylweddol o Sir Ddinbych wedi'u dynodi'n ddiweddar yn Ganolfan Ragoriaeth Beicio ar gyfer Gogledd Cymru, gyda'r nod o *greu ardal sy'n cael ei chydabod yn genedlaethol yn gyrchfan eithriadol drwy gydol y flwyddyn ar gyfer beicio ar y ffordd ac oddi ar y ffordd a gweithgareddau awyr agored i bawb mewn golygfeydd eithriadol a chyferbyniol.*

Mae prosiect y Ganolfan Ragoriaeth Beicio yn rhan o weledigaeth Croeso Cymru i greu ardaloedd twristiaeth penigamp drwy raglen fuddsoddi sylweddol, wedi'i hariannu gan Gronfa Datblygu Rhanbarthol Ewrop. Cyngor Sir Ddinbych yw'r partner arweiniol ar gyfer prosiect Canolfan Ragoriaeth Beicio ar gyfer Gogledd Cymru, sy'n bartneriaeth arloesol rhwng y sector preifat a chyhoeddus ledled Conwy a Sir Ddinbych.

Mae Cyngor Sir Ddinbych wëid ymrwymo hefyd i egwyddorion Rheoli Cyrchfan, wedi'u hyrwyddo gan y Strategaeth Dwristiaeth ar gyfer Gogledd Cymru. Mae Cynllun Gweithredu'r strategaeth honno'n cynnwys datblygu digwyddiadau mawr ac atyniadau a gweithgareddau awyr agored.

6. Beth fydd yn ei gostio a sut bydd yn effeithio ar wasanaethau eraill?

Nid yw Cyngor Sir Ddinbych yn gwneud cyfraniad ariannol at y digwyddiad.

Amser staff wedi'i ddarparu gan yr adrannau Priffyrdd ac Adfywio a phrosiect y Ganolfan Ragoriaeth Beicio i helpu'r trefnyddion i gynllunio'r digwyddiad. Sylwer: mae cyllideb y prosiect Canolfan Ragoriaeth Beicio a arweinir gan Gyngor Sir Ddinbych (Ewropeaidd a ffynonellau eraill) wedi ariannu costau llythyrau gwybodaeth at breswylwyr a busnesau, fel y mae wedi cefnogi digwyddiadau beicio diweddar eraill yn yr un ffordd.

7. Pa ymgynghoriadau sydd wedi'u cynnal?

Cynhaliwyd ymgynghoriadau mewn perthynas â chau'r ffyrdd yn uniongyrchol gan drefnydd y digwyddiad, gyda chyfarwyddyd gan swyddogion Cyngor Sir Ddinbych:

- Anfonwyd llythyrau drwy e-bost gan Participate Sport ar 29 Mawrth 2012 i gynghorau tref a chymuned ac at gynghorwyr sir ar hyd y llwybr.
- Rhyddhawyd datganiad i'r wasg i'r cyfryngau ar 3 Ebrill – gweler atodiad 2
- Y tu mewn i Gyngor Sir Ddinbych – mae ymgynghori ac ymgysylltu eisoes yn digwydd â'r adrannau canlynol: Priffyrdd, Cludiant Cyhoeddus, Diogelu'r Cyhoedd, Iechyd a Diogelwch, Cefn Gwlad, Prosiect y Ganolfan Ragoriaeth Beicio, Adfywio a Thwristiaeth, Prif Weithredwr, Tîm Cyfreithiol Cyfathrebu Corfforaethol a'r Aelodau Arweiniol dros Adfywio a Phriffyrdd.
- Mae Heddlu Gogledd Cymru a'r gwasanaethau brys eraill wedi'u cynnwys yn llawn, a sefydlwyd Grŵp Cynghori ar Ddiogelwch ar y cyd eto rhwng Wrecsam a Sir Ddinbych i oruchwylio gweithdrefnau rheoli cerddwyr, cludiant a thraffig ar gyfer y digwyddiad hwn – gweler atodiad 3 a 4
- Mae trefnydd y digwyddiad wedi cael cyfarfodydd cychwynnol â rhai busnesau allweddol ymlaen llaw i geisio ennyn eu diddordeb yn y digwyddiad, i drafod cyfleoedd iddynt gymryd rhan yn y digwyddiad hwn ac elwa arno. Bydd yn gwneud ymweliadau pellach â phob busnes ar hyd y llwybr a nodwyd, ar ôl cwblhau'r map llwybr a'r amseriadau ar gyfer cau ffyrdd dros dro gyda'r Adrannau Priffyrdd yn Sir Ddinbych ac yn Wrecsam.

O ganlyniad i'r adborth o'r ymgynghoriad hyd yma:

- ystyriwyd gwahanol ddewisiadau ar gyfer y llwybr
- cafwyd lansiad i'r cyfryngau yn Llangollen

8. Datganiad y Prif Swyddog Cyllid

Nid yw'r cyngor yn ystyried unrhyw gyfraniad ariannol at y digwyddiad hwn ar hyn o bryd.

9. Pa risgiau sydd ac a oes unrhyw beth y gallwn ei wneud i'w lleihau?

Risg i enw da, gan breswylwyr a busnesau anfodlon y gallai cau'r ffyrdd dros dro effeithio arnynt ar 9 Medi 2012.

Bydd y risg yn cael ei reoli drwy sicrhau bod trefnydd y digwyddiad wedi gwneud popeth posibl i atgoffa'r preswylwyr a'r busnesau am y cynlluniau gorffenedig i gau'r ffyrdd er mwyn gwneud cynlluniau teithio eraill os oes angen.

10. Pŵer i wneud y Penderfyniad

Adran 2 o Ddeddf Llywodraeth Leol 2000 (ar gyfer hyrwyddo neu wella lles economaidd, cymdeithasol neu amgylcheddol ardal awdurdod lleol)

Swyddog Cyswllt:

Prif Swyddog y Strategaeth Adfywio a Buddsoddi
Ffôn: 01824 706707